



GRAD PO MJERI DJETETA



Općina Novi Grad Sarajevo

REZULTATI RADA DJEČIJEG PARLAMENTA

Dječiji parlament je:

- Učestvovao u izradi Prvog dječijeg izvještaja o stanju prava djece u BiH
- Imao predstavnike na specijalnoj sesiji UN Komiteta za prava djeteta u Ženevi
- Na centralnoj proslavi 30 godina od usvajanja UN Konvencije o pravima djeteta predstavio preporuke UN Komiteta za prava djeteta
- Naši parlamentarci otvorili su dvije sjednice Općinskog vijeća Općine Novi Grad Sarajevo
- Kreirali su i promovisali Akcioni plan za djecu Općine pod nazivom "Dali smo vam viziju boljeg svijeta na dlanu"
- Proveli više istraživanja u zajednici i razgovarali sa općinskim zvaničnicima, sugrađanima, nastavnicima, mladima i djecom
- Analizirali uslove za slobodno vrijeme djece, dječijih parkova, vrtića i drugih prostora
- Inicirali i u saradnji sa KJKP "Park" zasadili sadnice voća u dvorištu vrtića "Srećica"
- Učestvovali u više kampanja, panel-diskusija i konferencija posvećenih pitanjima djece
- Posjetili Memorijalni kompleks "Žuč"

U aktivnostima Dječijeg parlamenta učestvovalo je više od 1.500 djece i odraslih



"NAŠA DJECA"

UDRUŽENJE ZA OŠTVARMANJE PRAVA DJETETA
SARAJEVO

📍 Behdžeta Mutevelića 73, Sarajevo

☎ Tel.: 033 657 012

📠 Fax: 033 657 012

✉ E-mail: n.djeca@bih.net.ba

NEKA SE ČUJE I NAŠ GLAS!



Dječiji parlament Općine Novi Grad Sarajevo





Dječije učešće je naše pravo

Pravo djeteta na učešće pravno je regulisano UN Konvencijom o pravima djeteta koju je usvojila naša država, prije svega u članu 12 koji glasi: "Države članice obezbjeđuju djetetu koje je sposobno da formira svoje sopstveno mišljenje, pravo slobodnog izražavanja tog mišljenja o svim pitanjima koja se tiču djeteta, s tim što se mišljenju djeteta posvećuje dužna pažnja u skladu sa godinama života i zrelošću djeteta."

S obzirom da je Konvencija o pravima djeteta sastavni dio Ustava Bosne i Hercegovine, njena primjena i poštivanje je obvezujuće za donosioc odluka na svim nivoima, pa tako zahtjev za poštivanjem aktivnog učešća djeteta u svim procesima njegovoga odrastanja ima punu potporu. Kroz osnaživanje učešća djece i mladih podstiče se razvoj njihovog samopoštovanja, samopouzdanja, samostalnosti i lične odgovornosti.

Na ovaj način se utiče na mlade da poštuju autoritet, ali i da imaju pravo da na adekvatan način preispituju i kritikuju neke aspekte njegovog djelovanja i da traže promjenu. Samo tako im se pruža mogućnost da budu uspješni, zadovoljni sobom, da se osjećaju vrijednim i korisnim, kao i da razvijaju svoj građanski identitet i daju doprinos na nivou lokalne zajednice.



Oснаživanjem djece i mladih da uzmu učešće u procesima odlučivanja, imat ćemo veće izgleda da postanemo uspješno društvo u kome će individualni doprinos pojedinca biti vrijedan pažnje u zajednici u kojoj živi.



Trebamo biti svjesni da su djeca ta koja najbolje znaju svoje potrebe i probleme te zbog toga trebamo polaziti od njihovog stajališta, pružiti im potporu i poticati i ostvariti saradnju djece i odraslih.



DJEČIJI PARLAMENT OPĆINE NOVI GRAD SARAJEVO DJELUJE PUNIH SEDAM GODINA!

Dječiji parlament svoje aktivnosti provodi kroz:

- Radionice, sastanke i tematske debate;
- Susrete sa općinskim načelnikom i gradonačelnikom;
- Prisustvo predstavnika Dječijeg parlamenta sjednicama Općinskog vijeća i učešće u procesu donošenja odluka koje se odnose na potrebe i prava djece;
- Pokretanje humanitarnih i drugih akcija u zajednici;
- Saradnju s dječijim grupama u drugim općinama, gradovima i regiji u cilju razmjene iskustava;
- Posjete ustanovama koje brinu o djeci;
- Provedbu istraživanja među djecom i građanima, u cilju izrade akcionih planova za djecu;
- Obilježavanje značajnih datuma u vezi sa djecom i porodicom;
- Sudjelovanje u javnim manifestacijama općine i grada;
- Izradu informativnih i promotivnih letaka, plakata i brošura na temu prava djeteta.

